

若身妙行口意妙行受樂樂報者必有是處
 阿難若不斷五蓋心穢慧羸心正立四念處
 者終無是處若斷五蓋心穢慧羸心正立四
 念處者必有是處阿難若不斷五蓋心穢慧
 羸心不正立四念處欲修七覺意者終無是
 處若斷五蓋心穢慧羸心正立四念處修七
 覺意者必有是處阿難若不斷五蓋心穢慧
 羸心不正立四念處不修七覺意欲得無上
 正盡覺者終無是處若斷五蓋心穢慧羸心
 正立四念處修七覺意得無上正盡覺者必
 有是處阿難若不斷五蓋心穢慧羸心不正
 立四念處不修七覺意得無上正盡覺盡苦
 邊者終無是處若斷五蓋心穢慧羸心正立
 四念處修七覺意得無上正盡覺盡苦邊者
 必有是處阿難如是比丘知是處非處尊者
 阿難白曰世尊如是比丘知是處非處於是
 尊者阿難叉手向佛白曰世尊此經名何云
 何奉持世尊告曰阿難當受持此多界法界

甘露界多鼓法鼓甘露鼓法鏡四品是故稱
 此經名曰多界佛說如是尊者阿難及諸比
 丘聞佛所說歡喜奉行
 多界經第十竟

中阿含心品第三竟

第四分別誦

中阿含經卷第四十七

清七

獵良轉反飼音肥反羸力垂反圍下邪反詣下邪反點
 八下開反猛隼下俊字文下渠反櫻上胡反孩下胡反呻
 吟上音申羈宜反葦下胡反呻
 大末

中阿含經卷第四十八

清八

雙品第四有五經屬第五誦故曰雙品第四分別誦
東晉劉賓三藏瞿曇僧伽提婆譯

馬邑及馬邑 牛角娑羅林 牛角娑羅林
 求解最在後

乙

朱輝

中阿含雙品馬邑經第一

我聞如是一時佛遊騫騎國與大比丘衆俱往至馬邑住馬林寺及比丘衆亦時世尊告諸比丘人見汝等沙門是沙門人問汝等沙門汝自稱沙門耶諸比丘白曰亦也世尊佛復告曰是以汝等以此要以此沙門當學如沙門法及如梵志法學如沙門法及如梵志法已要是真諦沙門不虛沙門若受衣被飲食床榻湯藥及若干種諸生活具者彼所供給得大福得大果得大功德得大廣報汝等當學如是云何如沙門法及如梵志法身行清淨仰向發露善護無缺因此清淨不自舉不下他無穢無濁為諸智梵行者所共稱譽若汝作是念我身行清淨我所作已辦不復更學已成德義無復上作比丘我為汝說莫令求沙門義失沙門義若欲求上學者比丘若身清淨當復作何等當學口行清淨仰向發露善護無缺因此口行清淨不自舉不下

他無穢無濁為諸智梵行者所共稱譽若汝等作是念我身口行清淨我所作已辦不復更學已成德義無復上作比丘我為汝說莫令求沙門義失沙門義若欲求上學者比丘若身口清淨當復作何等當學意行清淨仰向發露善護無缺因此意行清淨不自舉不下他無穢無濁為諸智梵行者所共稱譽若汝等作是念我身口意行清淨我所作已辦不復更學已成德義無復上作比丘我為汝說莫令求沙門義失沙門義若欲求上學者比丘身口意命行清淨當復作何等比丘當學守護諸根常念閉塞念欲明

清八

二

朱澤

達守護念心而得成就恒欲起意若眼見色然不受相亦不味色謂忿諍故守護眼根心中不生貪伺憂感惡不善法趣向彼故守護眼根如是耳鼻舌身若意知法然不受相亦不味法謂忿諍故守護意根心中不生貪伺憂感惡不善法趣向彼故守護意根若汝等作是念身口意命行清淨守護諸根我所作已辦不復更學已成德義無復上作比丘我為汝說莫令求沙門義失沙門義若欲求上學者比丘身口意命行清淨守護諸根當復作何等比丘當學正知出入善觀分別屈申低仰儀容庠序善著僧伽梨及諸衣鉢行住坐卧眠寤語嘿皆正知之若汝等作是念我身口意命行清淨守護諸根正知出入我所作已辦不復更學已成德義無復上作比丘我為汝說莫令求沙門義失沙門義若欲求上學者比丘身口意命行清淨守護諸根正知出入當復作何等比丘當學獨住遠離在

無事處或至樹下空安靜處山巖石室露地穰穰或至林中或在冢間彼已在無事處或至樹下空安靜處敷尼師壇結加趺坐正身正願反念不向斷除貪伺心無有諍見他財物諸生活具不起貪伺欲令我得彼於貪伺淨除其心如是瞋恚睡眠掉悔斷疑度惑於諸善法無有猶豫彼於疑惑淨除其心彼斷此五蓋心穢慧羸離欲離惡不善之法至得第四禪成就遊彼已得如是定心清淨無穢無煩柔軟善住得不動心趣向漏盡智通作證彼便知此苦如真知此苦集知此苦滅知此苦滅道如真亦知此漏如真知此漏集知此漏滅知此漏滅道如真彼如是知如是見已則欲漏心解脫有漏無明漏心解脫解脫已便知解脫生已盡梵行已立所作已辦不更受有知如真是說沙門說梵志說聖說淨浴云何沙門謂息止諸惡不善之法諸漏穢汙為當來有本煩熱苦報生老病死因是謂

清八

三

集

沙門云何梵志謂遠離諸惡不善之法諸漏穢汗為當來有本煩熱苦報生老病死因是謂梵志云何為聖謂遠離諸惡不善之法諸漏穢汗為當來有本煩熱苦報生老病死因是謂為聖云何淨浴謂淨浴諸惡不善之法諸漏穢汗為當來有本煩熱苦報生老病死因是謂淨浴佛說如是彼諸比丘聞佛所說歡喜奉行

馬邑經第一竟一千三百四十六字

中阿含雙品馬邑經第二 第四分別誦

我聞如是一時佛遊鶩騎國與大比丘眾俱往至馬邑住馬林寺及比丘眾爾時世尊告諸比丘人見汝等沙門是沙門人間汝等沙門汝自稱沙門耶諸比丘白曰爾也世尊佛復告曰是以汝等以此要以此沙門當學沙門道跡莫非沙門學沙門道跡已要是真諦沙門不虛沙門若受衣被飲食床榻湯藥及

若干種諸生活具者彼所供給得大福得大果得大功德得大廣報汝等當學如是云何非沙門道跡非沙門若有貪伺不息貪伺有恚不息恚有瞋不息瞋有不語不息不語有結不息結有慳不息慳有嫉不息嫉有諛諂不息諛諂有欺誑不息欺誑有無慙不息無慙清八

慙有無愧不息無愧有惡欲不息惡欲有邪見不息邪見此沙門垢沙門諛諂沙門詐偽沙門曲趣至惡處未盡已學非沙門道跡非沙門猶如鉞斧新作極利有頭有刃僧伽梨所棄我說彼癡學沙門道亦復如是謂有貪伺不息貪伺有恚不息恚有瞋不息瞋有不語不息不語有結不息結有慳不息慳有嫉不息嫉有諛諂不息諛諂有無慙不息無慙有無愧不息無愧有惡欲不息惡欲有邪見不息邪見持僧伽梨我不說是沙門若持僧伽梨者有貪伺不息貪伺有恚不息恚有瞋不息瞋有不語不息不語有結不息結有慳不息慳有嫉不息

嫉有諛諂息諛諂有無慙息無慙有無愧息
 無愧有惡欲息惡欲有邪見息邪見者彼諸
 親親朋友往詣而作是說賢人汝當學持僧
 伽梨賢汝學持僧伽梨有貪伺息貪伺有恚
 息恚有瞋息瞋有不語息不語有結息結有
 慳息慳有嫉息嫉有諛諂息諛諂有無慙息
 無慙有無愧息無愧有惡欲息惡欲有邪見
 息邪見若以我見持僧伽梨有貪伺恚瞋不
 語結慳嫉諛諂無慙無愧惡欲邪見是以我
 持僧伽梨我說非是沙門如是無衣編髮不
 坐一食常揚水持水持水者我說非是沙門
 若持水有貪伺息貪伺有恚息恚有瞋息瞋
 有不語息不語有結息結有慳息慳有嫉息
 嫉有諛諂息諛諂有無慙息無慙有無愧息
 無愧有惡欲息惡欲有邪見息邪見彼諸親
 親朋友往詣而作是說賢汝當持水持水已
 有貪伺息貪伺有恚息恚有瞋息瞋有不語
 息不語有結息結有慳息慳有嫉息嫉有諛

清八

五

朱

諛息諛諂有無慙息無慙有無愧息無愧有
 惡欲息惡欲有邪見息邪見若以我見持水
 貪伺恚瞋不語結慳嫉諛諂無慙無愧有惡
 欲有邪見是以持水者我說不是沙門是謂
 非沙門道跡非是沙門云何沙門道跡非不
 沙門若有貪伺息貪伺有恚息恚有瞋息瞋
 有不語息不語有結息結有慳息慳有嫉息
 嫉有諛諂息諛諂有無慙息無慙有無愧息
 無愧有惡欲息惡欲有邪見息邪見此沙門
 嫉沙門諛諂沙門詐偽沙門曲趣至惡處盡
 已學沙門道跡非不沙門是謂沙門道跡非
 不沙門彼如是成就戒身清淨口意清淨無
 有貪伺心中無恚無有睡眠無掉憍傲斷疑
 度惑正念正智無有愚癡彼心與慈俱遍滿
 一方成就遊如是二三四方四維上下普周
 一切心與慈俱無結無怨無恚無諍極廣甚
 大無量善修遍滿一切世間成就遊如是悲
 喜心與捨俱無結無怨無恚無諍極廣甚大

無量善修遍滿一切世間成就遊彼作是念
有有有麤有妙有想來上出要知如真彼如
是知如是見已則欲漏心解脫有漏無明漏
心解脫解脫已便知解脫生已盡梵行已立
所作已辦不更受有知如真猶去村不遠有
好浴池清泉流盈翠草被埤華樹四周或於

東方有一人來飢渴疲極脫衣埤上入池使
浴去垢除熱亦除渴乏如是南方西方北方
有一人來飢渴疲極脫衣岸上入池使浴去
垢除熱亦除渴乏如是刹利族姓子剃除鬚
髮著袈裟衣至信捨家無家學道內行止令
得內止內止者我說沙門說梵志說聖說淨
清八 六 未輝

浴去是梵志居士工師族姓子剃除鬚髮著
袈裟衣至信捨家無家學道內行止令得內
止內止者我說沙門說梵志說聖說淨浴云
何沙門謂息止諸惡不善之法諸漏穢汗為
當來有本煩熱苦報生老病死因是謂沙門
云何梵志謂遠離諸惡不善之法諸漏穢汗

為當來有本煩熱苦報生老病死因是謂梵
志云何為聖謂遠離諸惡不善之法諸漏穢
汗為當來有本煩熱苦報生老病死因是謂
為聖云何淨浴謂淨浴諸惡不善之法諸漏
穢汗為當來有本煩熱苦報生老病死因是
謂淨浴是謂沙門是謂梵志是謂為聖是謂

淨浴佛說如是彼諸比丘聞佛所說歡喜奉行
馬邑經第二竟 一千四百六十三字
中阿含雙品牛角娑羅林經第三第四分別誦
我聞如是一時佛遊跋耆瘦在牛角娑羅林
及諸多知識上尊比丘大弟子等尊者舍利
子尊者大目捷連尊者大迦葉尊者大迦旃

延尊者阿那律陀尊者離越哆尊者阿難如
是比多知識上尊比丘大弟子等亦遊跋耆
瘦在牛角娑羅林並共近佛葉屋邊住於是
尊者大目捷連尊者大迦葉尊者大迦旃延
尊者阿那律陀過夜平旦往詣尊者舍利子
所尊者阿難遙見彼諸尊往已白曰賢者離
清八 七 未輝

越哆當知此尊者大目捷連尊者大迦葉尊者大迦旃延尊者阿那律陀過夜平旦往詣尊者舍梨子所賢者離越哆今可共彼諸尊往詣尊者舍梨子所儻能因彼從尊者舍梨子少多聞法於是尊者大目捷連尊者大迦葉尊者大迦旃延尊者阿那律陀尊者離越哆尊者阿難過夜平旦往詣尊者舍梨子所尊者舍梨子遙見彼諸尊來已尊者舍梨子因彼諸尊故說善來賢者阿難善來阿難善來阿難世尊侍者解世尊意常為世尊之所稱譽及諸智梵行人我今問賢者阿難此牛角娑羅林甚可愛樂夜有明月諸娑羅樹皆敷妙香猶若天華賢者阿難何等比丘起發牛角娑羅林尊者阿難答曰尊者舍梨子若有比丘廣學多聞守持不忘積聚博聞所謂法者初妙中妙竟亦妙有義有文具足清淨顯現梵行如是諸法廣學多聞翫習至千意所惟觀明見深達彼所說法簡要捷疾與正相

應欲斷諸結尊者舍梨子如是比丘起發牛角娑羅林尊者舍梨子復問曰賢者離越哆賢者阿難比丘已說隨所知我今復問賢者離越哆此牛角娑羅林甚可愛樂夜有明月諸娑羅樹皆敷妙香猶若天華賢者離越多何等比丘起發牛角娑羅林尊者離越哆答曰尊者舍梨子若有比丘樂於宴坐內行止不廢坐禪成就於觀常好閑居喜安靜處尊者舍梨子如是比丘起發牛角娑羅林尊者舍梨子復問曰賢者阿那律陀賢者離越哆比丘已說隨所知我今復問賢者阿那律陀此牛角娑羅林甚可愛樂夜有明月諸娑羅樹皆敷妙香猶若天華賢者阿那律陀何等比丘起發牛角娑羅林尊者阿那律陀答曰尊者舍梨子若有比丘逮得天眼成就天眼於千世界彼少方便須臾盡見尊者舍梨子猶有目人住高樓上於下露地有千土繫彼少方便須臾盡見尊者舍梨子如是若有比

清八

八

卷八

丘逮得天眼成就天眼於千世界彼少方便
須臾盡見尊者舍梨子如是比丘起發牛角
娑羅林尊者舍梨子復問曰賢者迦旃延賢
者阿那律陀比丘已說隨所知我今復問賢
者迦旃延此牛角娑羅林甚可愛樂夜有明
月諸娑羅樹皆敷妙香猶若天華賢者迦旃
延何等比丘起發牛角娑羅林尊者大迦旃
延答曰尊者舍梨子猶二比丘法師共論甚
深阿毗曇彼所問事善解悉知答亦無礙說
法辯捷尊者舍梨子如是比丘起發牛角娑
羅林尊者舍梨子復問曰尊者大迦葉賢者
迦旃延比丘已說隨所知我今復問尊者大
迦葉此牛角娑羅林甚可愛樂夜有明月諸
娑羅樹皆敷妙香猶若天華尊者大迦葉何
等比丘起發牛角娑羅林尊者大迦葉答曰
賢者舍梨子若有比丘自無事稱說無事自
有少欲稱說少欲自有知足稱說知足自樂
在遠離獨住稱說樂在遠離獨住自修行精

勤稱說修行精勤自立正念正智稱說立正
念正智自得定稱說得定自有智慧稱說智
慧自諸漏已盡稱說諸漏已盡自勸發渴仰
成就歡喜稱說勸發渴仰成就歡喜賢者舍
梨子如是比丘起發牛角娑羅林尊者舍梨
子復問曰賢者目捷連尊者大迦葉已說隨
所知我今復問賢者目捷連此牛角娑羅林
甚可愛樂夜有明月諸娑羅樹皆敷妙香猶
若天華賢者目捷連何等比丘起發牛角娑
羅林尊者大目捷連答曰尊者舍梨子若有
比丘有大如意足有大威德有大福祐有大
威神自在無量如意足彼行無量如意足變
一為衆合衆為一一則住一有知有見徹過
石壁如空無礙出入於地猶若如水履水如
地而不陷沒上昇虛空結跏趺坐猶若如鳥
今此日月有大如意足有大威德有大福祐
有大威神以手捫摸身至梵天尊者舍梨子
如是比丘起發牛角娑羅林尊者大目捷連

清八

九

朱華

問曰尊者舍梨子我及諸尊已各自說隨其所知我今問尊者舍梨子此牛角娑羅林甚可愛樂夜有明月諸娑羅樹皆敷妙香猶若天華尊者舍梨子何等比丘起發牛角娑羅林尊者舍梨子答曰賢者目捷連若有比丘隨用心自在而不隨心彼若欲得隨所住止中前遊行即彼住止中前遊行彼若欲得隨所住止日中晡時遊行即彼住止日中晡時遊行賢者目捷連猶王王臣衣服甚多有若干種雜妙色衣彼若欲得中前著者即取著之彼若欲得日中晡時著者即取著之賢者目捷連如是若有比丘隨用心自在而不隨心彼若欲得隨所住止中前遊行即彼住止中前遊行彼若欲得隨所住止日中晡時遊行即彼行止日中晡時遊行賢者目捷連如是比丘起發牛角娑羅林尊者舍梨子告曰賢者目捷連我及諸尊已各自說隨其所知賢者目捷連我等寧可共彼諸賢往詣佛所

向論此事於中知誰最為善說於是尊者舍梨子尊者大目捷連尊者大迦葉尊者大迦旃延尊者阿那律陀尊者離越哆尊者阿難往詣佛所諸尊者等稽首佛足却坐一面尊者阿難亦稽首佛足却住一面尊者舍梨子白曰世尊今日賢者大目捷連尊者大迦葉清八賢者迦旃延賢者阿那律陀賢者離越哆賢者阿難過夜平旦來詣我所我遙見彼諸賢來已因彼諸賢故說善來賢者阿難善來阿難善來阿難世尊侍者解世尊意常為世尊之所稱譽及諸智梵行人我今問賢者阿難此牛角娑羅林甚可愛樂夜有明月諸娑羅樹皆敷妙香猶若天華賢者阿難何等比丘起發牛角娑羅林賢者阿難即答我曰尊者舍梨子若有比丘廣學多聞守持不忘積聚博聞所謂法者初妙中妙竟亦妙有義有文具足清淨顯現梵行如是諸法廣學多聞翫習至千意所惟觀明見深達彼所說法簡要

捷疾與正相應欲斷諸結尊者舍梨子如是
比丘起發牛角娑羅林世尊嘆曰善哉善哉
舍梨子實如阿難比丘所說所以者何阿難
比丘成就多聞尊者舍梨子白曰世尊賢者
阿難如是說已我復問曰賢者離越哆賢者
阿難比丘已說隨所知我今復問賢者離越

哆比丘牛角娑羅林甚可愛樂夜有明月諸娑
羅樹皆敷妙香猶若天華賢者離越哆何等
比丘起發牛角娑羅林賢者離越哆即答我
曰尊者舍梨子若有比丘樂於宴坐內行止
不廢坐禪成就於觀常好閑居喜安靜處尊
者舍梨子如是比丘起發牛角娑羅林世尊
清八 十一 未譯

嘆曰善哉善哉舍梨子如離越哆比丘所說
所以者何離越哆比丘常樂坐禪尊者舍梨
子白曰世尊賢者離越哆如是說已我復問
曰賢者阿那律陀賢者離越哆比丘已說隨
所知我今復問賢者阿那律陀此牛角娑羅
林甚可愛樂夜有明月諸娑羅樹皆敷妙香

猶若天華賢者阿那律陀何等比丘起發牛
角娑羅林賢者阿那律陀即答我曰尊者舍
梨子若有比丘逮得天眼成就天眼於千世
界彼少方便須臾盡見尊者舍梨子猶有目
人住高樓上於下露地有千土墜彼少有方
便須臾盡見尊者舍梨子如是若有比丘逮

得天眼成就天眼於千世界微少方便須臾
盡見尊者舍梨子如是比丘起發牛角娑羅
林世尊嘆曰善哉善哉舍梨子如阿那律陀
比丘所說所以者何阿那律陀比丘成就天
眼尊者舍梨子白曰世尊賢者阿那律陀如
是說已我復問曰賢者迦旃延賢者阿那律
陀比丘已說隨所知我今復問賢者迦旃延
此牛角娑羅林甚可愛樂夜有明月諸娑羅
樹皆敷妙香猶若天華賢者迦旃延何等比
丘起發牛角娑羅林賢者迦旃延即答我曰
尊者舍梨子猶二比丘法師共論甚深阿毗
曇彼所問事善解悉知答亦無礙說法辯捷

尊者舍梨子如是比丘起發牛角娑羅林世
尊嘆曰善哉善哉舍梨子如迦旃延比丘所
說所以者何迦旃延比丘分別法師尊者舍
梨子白曰世尊賢者迦旃延如是說已我復
問曰尊者大迦葉賢者迦旃延比丘已說隨
所知我今復問尊者大迦葉此牛角娑羅林

甚可愛樂夜有明月諸娑羅樹皆敷妙香猶
若天華尊者大迦葉何等比丘起發牛角娑
羅林尊者大迦葉即答我曰賢者舍梨子若
有比丘自無事稱說無事自有少欲稱說少
欲自有知足稱說知足自樂在遠離獨住稱
說樂在遠離獨住自修行精勤稱說修行精

清八

十二

朱

勤自立正念正智稱說立正念正智自得定
稱說得定自有智慧稱說智慧自諸漏已盡
稱說諸漏已盡自勸發渴仰成就歡喜稱說
勸發渴仰成就歡喜賢者舍梨子如是比丘
起發牛角娑羅林世尊嘆曰善哉善哉舍梨
子如迦葉比丘所說所以者何迦葉比丘常

行無事尊者舍梨子白曰世尊尊者大迦葉
如是說已我復問曰賢者目捷連尊者大迦
葉已說隨所知我今復問賢者目捷連此牛
角娑羅林甚可愛樂夜有明月諸娑羅樹皆
敷妙香猶若天華賢者目捷連何等比丘起
發牛角娑羅林賢者大目捷連即答我曰尊

者舍梨子若有比丘有大如意足有大威德
有大福祐有大威神自在無量如意足彼行
無量如意足變一為眾合眾為一一則住一
有知有見徹過石壁如空無礙出入於地猶
若如水履水如地而不陷沒上昇虛空結跏
趺坐猶若如鳥今此日月有大如意足有大

威德有大福祐有大威神以手捫摸身至梵
天尊者舍梨子如是比丘起發牛角娑羅林
世尊嘆曰善哉善哉舍梨子如目捷連比丘
所說所以者何目捷連比丘有大如意足於
是尊者大目捷連即從座起偏袒著衣叉手
向佛白曰世尊我及諸尊如是說已便白尊

清八

三

朱

者舍梨子曰尊者舍梨子我及諸尊已各自說隨其所知我今問尊者舍梨子此牛角娑羅林甚可愛樂夜有明月諸娑羅樹皆敷妙香猶若天華尊者舍梨子何等比丘起發牛角娑羅林尊者舍梨子即答我曰賢者目捷連若有比丘隨用心自在而不隨心彼若欲得隨所住止中前遊行即彼住止中前遊行彼若欲得隨所住止日中晡時遊行即彼住止日中晡時遊行賢者目捷連猶王王臣衣服甚多有若干種雜妙色衣彼若欲得中前著者即取著之彼若欲得日中晡時著者即取著之賢者目捷連如是若有比丘隨用心自在而不隨心彼若欲得隨所住止中前遊行即彼住止中前遊行彼若欲得隨所住止日中晡時遊行即彼住止日中晡時遊行賢者目捷連如是比丘起發牛角娑羅林世尊嘆曰善哉善哉目捷連如舍梨子比丘所說所以者何舍梨子比丘隨用心自在於是尊

者舍梨子即從座起偏袒著衣叉手向佛白曰世尊我及諸賢如是說已告曰賢者目捷連我及諸賢已各自說隨其所知賢者目捷連我等寧可共彼諸賢往詣佛所向論此事於中知誰最爲善說世尊我等誰爲善說耶世尊答曰舍梨子一切悉善所以者何此諸法者盡我所說舍梨子聽我所說如是比丘起發牛角娑羅林舍梨子若有比丘隨所住城郭村邑彼過夜平旦著衣持鉢入村乞食善守護身善斂諸根善立其念彼乞食已過日中後收舉衣鉢漂洗手足以尼師壇著於肩上或至無事處或至樹下或至空安靜處敷尼師壇結加趺坐不解結加趺坐乃至漏盡彼便不解結加趺坐乃至漏盡舍梨子如是比丘起發牛角娑羅林佛說如是彼諸比丘聞佛所說歡喜奉行

牛角娑羅林經第三竟三千七百八十二字
中阿含雙品牛角娑羅林經第四 第四分別誦

清八

十四

律

我聞如是一時佛遊那摩提瘦在捷祁精舍爾時世尊過夜平旦著衣持鉢入那摩提而行乞食食訖中後往詣牛角娑羅林爾時牛角娑羅林有三族姓子共在中住尊者阿那律陀尊者難提尊者金毗羅彼尊者等所行如是若彼乞食有前還者便敷床汲水出洗足器安洗足橙及拭脚巾水瓶澡罐若所乞食能盡食者便盡食之若有餘者器盛覆舉食訖收鉢澡洗手足以尼師壇著於肩入入室宴坐若彼乞食有後還者能盡食者亦盡食之若不足者取前餘食足而食之若有餘者便寫著淨地及無垂水中取彼食器淨洗拭已舉著一面收卷床席拾洗足橙收拭脚巾舉洗足器及水瓶澡罐掃灑食堂糞除淨已收舉衣鉢澡洗手足以尼師壇著於肩入室宴坐彼尊者等至於晡時若有先從宴坐起者見水瓶澡罐空無有水便持行取若能勝者便舉持來安著一面若不能勝則便

以手招一比丘兩人共舉持著一面各不相語各不相問彼尊者等五日一集或共說法或聖嘿然於是守林人遙見世尊來逆呵止曰沙門沙門莫入此林所以者何今此林中有三族姓子尊者阿那律陀尊者難提尊者金毗羅彼若見汝或有不可世尊告曰汝守林人彼若見我必可無不可於是尊者阿那律陀遙見世尊來即呵彼曰汝守林人莫呵世尊汝守林人莫呵善逝所以者何是我尊來我善逝來尊者阿那律陀出迎世尊攝佛衣鉢尊者難提為佛敷床尊者金毗羅為佛取水爾時世尊洗手足已坐彼尊者所敷之座已問曰阿那律陀汝常安隱無所乏耶尊者阿那律陀白曰世尊我常安隱無有所乏世尊復問阿那律陀云何安隱無所乏耶尊者阿那律陀白曰世尊我作是念我有善利有大功德謂我與如是梵行共行世尊我常向彼梵行行慈身業見與不見等無有異行慈

清八

十五

五

口業行慈意業見與不見等無有異世尊我作是念我今寧可自捨已心隨彼諸賢心我便自捨已心隨彼諸賢心我未曾有一不可心世尊如是我常安隱無有所乏問尊者難提答亦如是復問尊者金毗羅曰汝常安隱無所乏耶尊者金毗羅曰世尊我常安隱無有所乏問曰金毗羅云何安隱無所乏耶尊者金毗羅曰世尊我作是念我有善利有大功德謂我與如是梵行共行世尊我常向彼梵行行慈身業見與不見等無有異行慈口業行慈意業見與不見等無有異世尊我作是念我今寧可自捨已心隨彼諸賢心我便自捨已心隨彼諸賢心我未曾有一不可心世尊如是我常安隱無有所乏世尊嘆曰善哉善哉阿那律陀如是汝等常共和合安隱無諍一心一師合一水乳頗得人上之法而有差降安樂住止耶尊者阿那律陀白曰世尊如是我等常共和合安隱無諍一心

一師合一水乳得人上之法而有差降安樂住止世尊我等離欲離惡不善之法至得第四禪成就遊世尊如是我等常共和合安隱無諍一心一師合一水乳得此人上之法而有差降安樂住止世尊嘆曰善哉善哉阿那律陀捨此住止過此度此頗更有餘得人上

清八

十六

之法而有差降安樂住止耶尊者阿那律陀白曰世尊捨此住止過此度此更復有餘得人上之法而有差降安樂住止世尊我心與慈俱遍滿一方成就遊如是二三四四方四維上下普周一切心與慈俱無結無怨無恚無諍極廣甚大無量善修遍滿一切世間成就遊如是悲喜心與捨俱無結無怨無恚無諍極廣甚大無量善修遍滿一切世間成就遊世尊捨此住止過此度此謂更有此餘得人上之法而有差降安樂住止世尊嘆曰善哉善哉阿那律陀捨此住止過此度此頗更有餘得人上之法而有差降安樂住止耶尊者

阿那律陀白曰世尊捨此住止過此度此更復有餘得人上之法而有差降安樂住止世尊我等度一切色想至得非有想非無想處成就遊世尊捨此住止過此度此謂更有此餘得人上之法而有差降安樂住止世尊嘆曰善哉善哉阿那律陀捨此住止過此度此頗更有餘得人上之法而有差降安樂住止耶尊者阿那律陀白曰世尊捨此住止過此度此更復有餘得人上之法而有差降安樂住止世尊我等得如意足天耳智他心智宿命智生死智諸漏已盡得無漏心解脫慧解脫於現法中自知自覺自作證成就遊生已

清八

十七

朱塗

有餘得人上之法而有差降安樂住止於是世尊便作是念此族姓子之所遊行安隱快樂我今寧可為彼說法世尊作是念已即為尊者阿那律陀尊者難提尊者金毗羅說法勸發渴仰成就歡喜無量方便為彼說法勸發渴仰成就歡喜已從座起去於是尊者阿那律陀難提金毗羅送世尊隨其近遠便還所住尊者難提尊者金毗羅嘆尊者阿那律陀曰善哉善哉尊者阿那律陀我等初不聞尊者阿那律陀說如是義我等如有大如意足有大威德有大福祐有大威神然尊者阿那律陀盡向世尊極稱譽我等尊者阿那律陀嘆尊者難提金毗羅曰善哉善哉尊者我亦初未曾從諸賢等聞尊者如有大如意足有大威德有大福祐有大威神然我長夜以心知尊者心尊者有大如意足有大威德有大福祐有大威神是故我向世尊如是如是說於是長鬼天形體極妙光明巍巍夜

將向且往詣佛所誓首佛足却任一面白世
尊曰大仙人諸跋耆人得大善利謂現有世
尊及三族姓子尊者阿那律陀尊者難提尊
者金毗羅地神從長鬼天聞所說放高大音
聲大仙人諸跋耆人得大善利謂現有世尊
及三族姓子尊者阿那律陀難提金毗羅從
地神聞聲虛空天四五天三十三天焰摩天
兜率陀天化樂天他化樂天須臾聲徹至于
梵天大仙人諸跋耆人得大善利謂現有世
尊及三族姓子尊者阿那律陀難提金毗羅
世尊告曰如是如是長鬼天諸跋耆人得大
善利謂現有世尊及三族姓子尊者阿那律
陀難提金毗羅長鬼天地神聞汝聲已便放
高大音聲大仙人諸跋耆人得大善利謂現
有世尊及三族姓子尊者阿那律陀難提金
毗羅從地神聞聲虛空天四天王天三十三
天焰摩天兜率哆天化樂天他化樂天須臾
聲徹至于梵天大仙人諸跋耆人得大善利

清八

十八

未詳

謂現有世尊及三族姓子尊者阿那律陀難
提金毗羅長鬼天若彼三族家此三族姓子
剃除鬚髮著袈裟衣至信捨家無家學道彼
三族家憶此三族姓子所因所行者彼亦長
夜得大善利安隱快樂若彼村邑及天魔梵
沙門梵志從人至天憶此三族姓子所因所
行者彼亦長夜得利饒益安隱快樂長鬼天
此三族姓子如有大如意足有大威德有
大福祐有大威神佛說如是此三族姓子及
長鬼天聞佛所說歡喜奉行
牛角娑羅林經第四竟二千二百八十二
中阿含雙品求解經第五 第四分別誦
我聞如是一時佛遊拘樓瘦劍摩瑟曇拘樓
都邑尔時世尊告諸比丘緣於彼意不知他
心如真者彼世尊正盡覺不可知云何求解
於如來乎時諸比丘白世尊曰世尊為法本
世尊為法主法由世尊唯願說之我等聞已
得廣知義佛便告曰比丘諦聽善思念之我
清八

清八

方

未詳

來為說法上復上妙復妙善除黑白如來為
 說法上復上妙復妙善除黑白者如是如是
 聞已知斷一法於諸法得究竟淨信世尊彼
 世尊正盡覺也復應問彼賢者有何行有何
 力有何智令賢者知斷一法於諸法得究竟
 淨信世尊彼世尊正盡覺耶彼如是答賢者
 若我不知世尊心亦非餘事知我因世尊有
 如是淨信世尊為我說法上復上妙復妙善
 除黑白賢者如如世尊為我說法者如是如
 是我聞如來為我說法上復上妙復妙善除
 黑白如是如是我聞已知斷一法於諸法得
 究竟淨信世尊彼世尊正盡覺耶賢者我有
 是行有是力有是智令我知斷一法於諸法
 得究竟淨信世尊彼世尊正盡覺也若有此
 行有此力深著如來信根已立者是謂信見
 本不壞智相應沙門梵志天及魔梵及餘世
 間無有能奪如是求解如來如是正知如來
 佛說如是彼諸比丘聞佛所說歡喜奉行

求解經第五竟 八千一十

共末

中阿含經卷第四十八 九千九百

清八

伺相反寺穰積上而羊反掉梅上調越斧上作

下音僑傲下吾反岸音越哆可反捷疾上才遠反

逯上音擊反音陷沒上咸字捫摸上音摸胡反

音捷祁下渠橙登字去聲漂罐上音早

中阿含經卷第四十九

清九

雙品第一經有五第五誦名後誦有三品半合

說智阿夷那 拘樓明聖道 東園論小空

大空最在後

雙品說智經第一